

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisaat (Tapiissutinik qaffaaneq)

§ 1

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaanni nr. 1-imi, 31. maj 2001-imeersumi, ilaatigut Inatsisartut inatsisaatigut nr. 8, ulloq 1. juni 2006-imeersukkut, Inatsisartut inatsisaatigut nr. 25, ulloq 18. november 2010-meersukkut, kingullermillu Inatsisartut inatsisaatigut nr. 4, ulloq 3. juni 2015-imeersukkut allanngortinneqartumi, makku allanngortinneqassapput:

1. § 2, imm. 1, ima oqaasertaqassaaq:

” Naalakkersuinikkut suliniaqtigiffik, partii, Inatsisartuni qinikkanik sinniisoqartoq partiip naalakkersuinikkut sulineranut ukiumut 850.000 kr.-inik tunngaviusumik tapiissummik kiisalu partiip qinigaatitaa ataaseq 275.000 kr.-inik annertussusilinnik qinikkatut tapiissutisisinnaatitaapput. Tunngaviusumik tapiissutit qinikkamullu tapiissutit Kalaallit Nunaanni kisitsit akinut iluarsiissutaasartoq naapertorlugu, taamaattorli koruuninut 100-mik aggorneqarsinnaasunut qaninnerpaanut akunnaallisillugu, qaammatisiutit ukiuata aallartinnerani ukiumut ataasiarlugu iluarsineqartassaaq. Iluarsiissuteqarneq siulleq 2019-imi pissaaq.”

2. § 3 a, imm. 1, ima oqaasertaqassaaq:

” Naalakkersuinikkut suliniaqtigiffik, partii, Inatsisartunut qinersinermi kingullermi Inatsisartunut qinigassanngortinngitsoq qinigaatitaganngitsorluunniit, kisiannili kingusinnerusukkut Inatsisartunut ilaasortap ataatsip ilaasortalluunniit arlallit sinniisuuffigissallugu nuuffigisaat, partiip Inatsisartuni naalakkersuinikkut sulineranut tapiissutisisinnaatitaavoq. Tapiissut partiip ilaasortaatitaanut ataasiakkaanut tamanut ukiumut 275.000 kr.-iuvoq. Tapiissutit Kalaallit Nunaanni kisitsit akinut iluarsiissutaasartoq naapertorlugu, taamaattorli koruuninut 100-mik aggorneqarsinnaasunut qaninnerpaanut akunnaallisillugu, qaammatisiutit ukiuata aallartinnerani ukiumut ataasiarlugu iluarsineqartassaaq. Iluarsiissuteqarneq siulleq 2019-imi pissaaq.”

3. § 4, imm. 1, ima oqaasertaqassaaq:

” Inatsisartunut ilaasortaq partiimiit kattusseqatigiiinnilluunniit qinigaasimasoq partiimiit kattusseqatigiiinnilluunniit tunuartoq Inatsisartuni naalakkersuinikkut sulinerminut tapiissutisisinnaatitaavoq. Tapiissut ukiumut 275.000 kr.-iuvoq. Tapiissutit Kalaallit Nunaanni kisitsit akinut iluarsiissutaasartoq naapertorlugu, taamaattorli koruuninut 100-mik aggorneqarsinnaasunut

qaninnerpaanut akunnaallisillugu, qaammatisiutit ukiuata aallartinnerani ukiumut ataasiarlugu iluarsineqartassaaq. Iluarsiissuteqarneq siulleq 2019-imi pissaaq.”

§ 2

Inatsisartut inatsisaat ulloq 1. januar 2018 atuutilerpoq.

Namminersorlutik Oqartussat, ulloq 17. november 2017

Kim Kielsen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut